

莊靖集

閩錫山書齋



(二)

莊靖集

閩縣書局



卷一

莊靖先生遺集卷之二

五言律詩

李俊民著

答祁定之韻

黃菊催秋暮
青山勸客歸
事隨時漸改
人與物皆非
爽氣收殘暑
閑雲送落暉
平生會心侶
別後往來稀

游太平泉

稍有林泉興
相陪杖屨游
百年人易老
千種事堪愁
是處花無主
誰家酒可籌
芳時好行樂
春去不能留

宿夾谷彥實庵

挂名仙籍上
晦跡茂林閒
門外丹河水
牆頭明月山
境隨心自遠
人與話俱閑
應笑紅塵客
區區謾往還

河橋成

橋成有日必有佳句寫河上逍遙之興贈子榮及督役楊成之

預積他山木重新兩岸隄龍依天上臥虹傍水心低不假鞭秦石何勞立蜀犀
落成應有日誰向柱先題

又

河廣思同濟天寒怕涉冬冰雖將自合船尙不宜從柱引來歸鶴淵藏未躍龍
一編圯上叟千載願相逢

又

勢截長河浪橫陳百步梁經營方斷手過涉不褰裳漫惜千金瓠休誇一葦航
西風簫鼓咽奠酒水仙堂

癸巳冬至

共愁天紀亂依舊日南時氣本自然應策今誰可推每懷添線女還意覆杯兒
偃蹇無歸計天涯兩鬢絲

又

歲以四時成氣自一陽始雖然廢義職那可亂軒紀人生幾寒暑天道賴甲子
徒嗟潦倒身汲汲百年裏

乙未冬至

已應黃宮律初生復卦陽道隨天在北愁與日俱長節物驚時換年光有底忙
浮雲多變態試與問何祥

任仲山弄璋

奕世多陰德傳家得寧馨人間熊有夢天上昴無星喜洽犀錢座光生玉樹庭
鍾情笑盧老白髮望添丁

五哥生日

落落青雲器天然骨骼奇自從懷橘後每恨學書遲同樂憐荊樹相煎笑豆萁
氣豪常自許躍馬是男兒

代四哥贈

相戒南陔養長看花驀輝義深姜季被恩重老萊衣隊似魚同戲行如鴈共飛
讀書當自勉繼取錦堂歸

元夜有感

春城行欲遍百感到愁邊市冷猶燈火人稀尙管絃梅從今夜落柑憶舊時傳
歸去西窗月無情照不眠

四哥生日

秀出三株樹芳聯五桂枝杜家憐驥子徐氏重麟兒已有高門望方當志學時
一杯添壽酒滿酌不須辭

寒食

爲戀風光好那堪節物催事隨浮世往花似去年開莫灑無家淚須傾有限杯
詩人多少興都向醉中來

九日下山

宰肉陳平社折腰元亮鄉車無門外轍菊與徑皆荒所恨國難守若爲家不忘
天威寒氣逼急急下山陽

王生壽日

幾度縣弧節當年琢玉郎徐行知禮讓幼學愛文章莫厭魚同隊休隨燕入堂
眉間色多喜禁鬱近東牀

游青蓮

閑攜方外友同謁梵王宮山吐三更月松搖萬壑風流年飛鳥過浮世落花空
不有歸來興何能見遠公

又

行處春風惡山中勝槩藏漸佳如蔗尾薄險似羊腸翠揖雙峯角清臨一水堂
夜長僧睡少爲我話興亡

過雲中

把酒不成醉出門行路難客愁千里破歸夢五更殘三仕有何喜一生常鮮歡
恨無南去雁爲我報平安

宿海會寺

同孫講師明上人趙叔寶劉巨濟夜酌

佛堂光未放桑下喚難回是處皆堪歇何山不可開泉因龍吐出經自兔銜來
徑向黃沙過尋僧問劫灰

又

青山雲水窟杖錫幾時來竹待香巖擊松經道者栽西江無水吸震旦忽花開
三笑圖中友同傾破戒杯

游碧落

己亥仲夏十有九日平水曹漢卿楊子平本郡李鑑臣劉濟之君祥姚

子昂史遂良同謁治平院與上人和霽月煮茗道話抵暮而歸

寂歷松間寺臨流勝槩藏斷雲開石壁橫吹爽溪堂謾與詩情在留連道話長
行人貪弔古歸路半斜陽

九里谷

九曲羊腸路千層劍戟山行鉤藤蔓刺坐印石花斑樹發三春暮雲歸萬壑閑
相陪林下屐雖倦不知還

食茨

池底休鋪錦鷄頭自有栽柔中皆水性剛外乃天才精彩惟魚目珠圓出蚌胎
坐間咄嗟致不似荔枝來

潁陽元道人虛白庵

有山心可算有水耳堪洗颺颺元逸人寓意在山水勘破人間世不聽心與耳
一室虛生白自得吉祥止

八日登山同謁吳王祠

四月

老樹凋殘盡靈祠寂歷中古今時易改幽顯意能通歲享屢登樂俗迫三讓風
送迎人散後日落亂山空

陽城懷舊

呈陽敬之燕子和李文卿

路梗傷時事春歸感物華風波千萬丈煙火兩三家樹杪失巢燕牆根無主花
當年人不見何處是生涯

又

道途行處惡故舊別來稀瀾口分流水林梢挂落暉好山留客住幽鳥背人飛
門外秋光老征鞍尙不歸

上長平寄楊成之

衰遲長在外鬢鑠愧征鞍世路驚心惡天風刮面寒超超人漸遠冉冉歲將殘
今夜梅梢月同誰共倚欄

獨坐

地偏無俗客日在掩柴扉暑退閑蒲扇涼生換葛衣風高雲散影露下月揚輝
獨據胡牀坐心清卽道機

乙亥過河

一身長道路四海尙風塵昔作依劉客今爲去魯人渡河年在亥乞酒歲非申
別後山中友相逢話又新

河陽呈苗蘭叔

妖氛長斗北殺氣尙河東人物不如古地圖祇自雄三城環野水二麥臥天風
多少逃亡屋荒涼晚照中

卽事

炎涼愁裏過陵谷暗中遷素拙生生計尋耕下下田爲嫌頻告糴卻恨不逢年
門外催租吏長妨對聖賢

中秋對月

雲山懷素隱秋興暫來歸月與人同醉星隨客漸稀
入河蟾不沒遶樹鵲何依
浩氣凝光界瑤臺夢欲飛

山中寄張漢臣李廣之

枳棘非所棲繫匏焉不食未黔墨子突又奪伯氏邑
一年三褫服半歲兩塗敕
歸去來山中無喪亦無得

經童

盈門修鄭校同隊執韋經蘇子應千里徐兒向九齡
雁行成次序鶯語太丁寧
堪笑西城老朝朝酷教刑

自遣

居閑聊自適造物果何如
生理年年拙交情日日疎
吠猶聞跼犬技可笑黔驢
誰識徘徊意
山有舊廬

過星輅

古道開天險危峯拔地形連營南北戍過客短長亭野燒驚山鬼胡雲掩將星
何人弄羌管哀怨不堪聽

七言律詩

小旱雲而不雨

阿香誰使送雷聲敢望天瓢一滴分恨魃長爲周地虐閔廷幾被魯人焚風吹
海立垂垂雨澤與山通處處雲何事臥龍猶不起得微往見葛陂君

注山谷得微往從董父餐寧當罪繫葛陂淵

復用韻

區區布穀不停聲安得銀河水半分湯稼未應枯後漑周川豈獨旱如焚是誰
主當知時雨有底商量出岫雲造物不爲天下計只將花事了東君

十六日雨

平地俄驚霹靂聲老龍功過此應分不知東海因誰祭卻笑西華欲自焚四面
蔽虧無日月百神奔走會風雲時人那識天公事一漑惟知有巨君

注鄭弘字巨君行春天旱隨車致雨

注後戴卦爲西華令縣旱積薪以自焚火起而大雨

王子榮過家上冢

暫令元戎小隊行盡驅春色入山城蔥蔥佳氣隨軒蓋嫋嫋高風卷旆旌題柱
橋邊男子志散金閭里故人情貴游前後知多少不使堂虛畫錦名

州有畫
錦堂

用趙之美留別韻

五

把酒離筵且莫辭坐中瓜葛暫相依花從讖後常含笑鳥自還時想倦飛往事
微茫春夢斷故人牢落曉星稀天涯白髮禁愁得好在西山不早歸

長短亭中送別時問君東去復何依今宵明月三人共來日紅塵一騎飛傾蓋
莫嫌相見晚斷絃惟恨賞音稀天涯盡道還家好笑我雖歸似不歸

爲君不惜送行詩但恨兼葭失所依流水盡朝東海去孤雲只向太行飛仕途
冰炭收心早客路參商見面稀一曲陽關歌未徹聲聲頭上聽催歸
遙指東山去恨遲爭如蓮幕早來依須知宋鷁猶能退有底齊禽尙不飛洛下
書生憐我少燕南壯士似君稀主人好客慍慍醉歷要髡留肯放歸
平生藏器待何時除卻荊州不可依預報行人應鵲噪相將送客有花飛鴈從
去後弟兄少驚未來時朋友稀不盡赤心今日話東山無以我公歸

赴山陽

寄君祥濟之仲寬子昂

立馬西風不忍行往回只是片時程一年又作半年客百里有如千里情落日
寒林上下路淡煙疎竹水邊城願君把酒休惆悵四海由來皆弟兄

白文舉王百一索句送行

世事紛紛亂似麻不堪愁裏度年華傷心城郭來家鶴過眼光陰赴壑蛇彈鋏
歌中成老境班荊話後各天涯何時造物歸真宰卻覩人間第一花

承二公寵和復用元韻二

脫却朝衫著紵麻殘年猶復夢京華
世情共指鹿爲馬天意反教龍作蛇
白髮不公人易老青山有素恨無涯
那禁送別東郊外滿目離離濺淚花

有客衡從說蓺麻要教身後見西華
若爲養得能言鴨未解除他引睡蛇
歸去稍知閑氣味荒唐猶種老生涯
眼前浮世憑誰問獨倚東風看落花

重午偶題

龍鍾歎我百年身幾見山城節物新
水荇長如牽翠帶石榴半似蹙紅巾
可憐今日依劉客便是當時弓屈人
誰道南來風解愠試從比屋問吾民

春日

白頭不奈隙駒催慣飲屠酖醉後杯
百歲無多偏晝短一年將盡又春來
東君得地權終在北斗隨天柄已回
造物卻還眞宰手衆人今後試登臺

和參謀李舜舉二

平步青雲感遇初試看傾蓋氣何如橘皮應笑陳人榜雋永爭談辯士書夢鹿
果能誰得鹿知魚未必子非魚青山馬上多詩句北斗以南名不虛

一怒王師弔伐初堂堂人物古誰如劍頭何患無炊米楯鼻多應有檄書盡道
公孫能躍馬應憐學士獨焚魚旌旗未度長河水千騎元戎已擣虛

和東庵孔安道韻二

擬結閑中一草堂此心安處卽吾鄉須知見在身爲患見說長生藥有方老去
看書徒引睡愁來得句不成章從前習氣都除盡待與高人論坐忘

淡泊生涯共一堂杖藜踏遍水雲鄉不妨廬結在人境應念客來從遠方三笑
可無陶靖節八仙宜得賀知章袖中時出煙霞語習氣師兄亦未忘

和子榮

暫使彭宣到後堂安昌只以醉爲鄉浮雲世事日千變流水生涯天一方老子
興雖如庾亮故人恩不減蘇章能消幾兩尋山屐回首孤丘本未忘